



Broj: 13-11-4-3961/23
Sarajevo, 06.09.2023. godine

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14 i 59/22), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka) i člana 200. Zakona o upravnom postupku ("Službene novine Federacije BiH", br. 2/98, 48/99 i 61/22), a na prijedlog Komisije za javne nabavke roba, radova i usluga, Općinski načelnik donosi

ODLUKU

o izboru najpovoljnijeg ponuđača

I

Za najpovoljnijeg ponuđača za javnu nabavku roba „Nabavka novogodišnjih paketića za djecu predškolskih ustanova na području općine Novo Sarajevo“, po provedenom otvorenom postupku javne nabavke izabran je slijedeći ponuđač:

PENNY PLUS d.o.o. Sarajevo
sa ukupnom cijenom od 44.774,73 KM
(slovima: četrdesetčetirihiljadesedamstotinasedamdesetčetiri i 73/100 konvertibilnihmaraka) sa
uračunatim PDV-om

II

Za izvršenje ove Odluke zadužuje se Služba za obrazovanje, kulturu i sport.

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

IV

Odluka o izboru najpovoljnijeg ponuđača objavit će se na web stranici www.novosarajevo.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

O b r a z l o ž e n j e

Postupak javne nabavke proveden je putem otvorenog postupka, a pokrenut je na osnovu Odluke Općinskog načelnika broj: 13-11-4-3961/23 od 12.05.2023. godine.

Procijenjena vrijednost javne nabavke sa PDV-om je: 45.000,00 KM (slovima: četrdesetpethiljada i 00/100 konvertibilnihmaraka).

Obavještenje o javnoj nabavci broj: 935-1-1-110-3-145/23 je dana 09.06.2023. godine u 15:41 sati poslano na objavu na Portal javnih nabavki, a zatim i Ispravka za Obavještenje o nabavci broj: 935-1-1-110-8-159/23 od 26.06.2023. godine u 13:10 sati.

Komisija za javne nabavke roba, radova i usluga je imenovana Odlukom Općinskog načelnika o pokretanju postupka javne nabavke broj: 13-11-4-3961/23 od 12.05.2023. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike.

Iz Zapisnika sa otvaranja ponuda vidljivo je da su do dana 12.07.2023. godine, pristigle ponude slijedećih ponuđača:

Redni broj	Naziv i sjedište ponuđača	Ukupna ponudena cijena sa PDV-om	Ponudeni popust
1.	AERO-EXCLUSIVE d.o.o. Sarajevo	44.459,41 KM	0%
2.	DEFTER d.o.o. Sarajevo	44.975,39 KM	0%
3.	PENNY PLUS d.o.o. Sarajevo	44.774,73 KM	0%

Iz Zapisnika o pregledu i ocjeni ponuda Komisije za javne nabavke roba, radova i usluga je vidljivo da je Komisija za javne nabavke roba, radova i usluga dana 18.07.2023. godine izvršila evaluaciju pristiglih ponuda, te je konstatovala da su ponude ponuđača AERO-EXCLUSIVE d.o.o. Sarajevo i PENNY PLUS d.o.o. Sarajevo su prihvatljive jer ispunjavaju kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Komisija za javne nabavke roba, radova i usluga je ponudu ponuđača DEFTER d.o.o. Sarajevo ocijenila nepravilnom jer numeracija stranica ponude ne prati kontinuitet brojeva i ista nije urađena u skladu sa tačkom 8.1.9. tenderske dokumentacije i članom 8. stav (6) Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15). Naime, ponuđač prati kontinuitet numeracije stranica do stranice broj 23, nakon koje slijedi stranica koja nije numerisana, a zatim stranica numerisana brojem 24. Iz naprijed navedenog razloga, ponuda ponuđača DEFTER d.o.o. Sarajevo se nije mogla uzeti u dalje razmatranje.

U skladu sa navedenim Općinski načelnik je nakon provođenja e-aukcije, a po preporuci Komisije za javne nabavke roba, radova i usluga donio Odluku o izboru najpovoljnijeg ponuđača broj: 13-11-4-3961/23 od dana 18.07.2023. godine, kojom je u postupku predmetne javne nabavke kao najpovoljniji ponuđač izabran PENNY PLUS d.o.o. Sarajevo.

Na navedenu Odluku o izboru u periodu do pravosnažnosti, dana 25.07.2023. godine, zaprimljena je žalba ponuđača DEFTER d.o.o. Sarajevo, za koju je Komisija za javne nabavke roba, radova i usluga konstatovala da je neosnovana, te je ista prosljeđena drugostepenom organu na odlučivanje.

U periodu do pravosnažnosti Odluke o izboru najpovoljnijeg ponuđača broj: 13-11-4-3961/23 od dana 18.07.2023. godine zaprimljena je žalba ponuđača PENNY PLUS d.o.o. Sarajevo, koja je poslana putem pošte dana 28.07.2023. godine, a za koju je Komisija za javne nabavke roba, radova i usluga konstatovala da je osnovana.

Općinski načelnik je dana 07.08.2023. godine donio Odluku po zaprimljenoj žalbi broj: 13-11-4-3961/23 kojom se usvaja se blagovremena žalba ponuđača PENNY PLUS d.o.o. Sarajevo, izjavljena na Odluku o izboru najpovoljnijeg ponuđača broj: 13-11-4-3961/23 od 18.07.2023. godine u postupku javne nabavke usluga „Nabavka novogodišnjih paketića za djecu predškolskih ustanova na području Općine Novo Sarajevo“, kojom se proglašava nepravilnom ponuda ponuđača AERO-EXCLUSIVE d.o.o. Sarajevo, te u kojoj se navodi da će konačna Odluka u postupku javne nabavke će biti donešena nakon Odluke drugostepenog organa po žalbi ponuđača DEFTER d.o.o. Sarajevo.

Dana 01.09.2023. godine Ured za razmatranje žalbi BiH je donio Rješenje broj: JN2-03-07-1-1991-9/23 kojim se žalba ponuđača DEFTER d.o.o. Sarajevo odbija kao neosnovana.

Nakon što je Komisija za javne nabavke roba, radova i usluga dana 04.09.2023. godine zaprimila Rješenje Ureda za razmatranje žalbi BiH Komisija za javne nabavke roba, radova i usluga se sastala kako bi konstatovala prihvatljivost ponuda, a u vezi prethodno donesenim, a pravosnažnim Odlukama

Općina Novo Sarajevo, ulica Zmaja od Bosne br. 55, centrala telefon (387 33) 492 100

Komisija za javne nabavke roba, radova i usluga

tel: (387 33) 492 286, fax: (387 33) 492 145, email: javne.nabavke@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



Općinskog načelnika, te Rješenjem Ureda za razmatranje žalbi BiH broj: JN2-03-07-1-1991-9/23 od dana 01.09.2023. godine.

Komisija za javne nabavke roba, radova i usluga konstatuje da je ponuda ponuđača PENNY PLUS d.o.o. Sarajevo prihvatljiva jer ispunjava kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Ponude ponuđača DEFTER d.o.o. Sarajevo i AERO-EXCLUSIVE d.o.o. Sarajevo ocijenjene su kao nepravilne, u skladu prethodno donesenim Odlukama Općinskog načelnika.

Komisija za javne nabavke roba, radova i usluga će Agenciji za javne nabavke uputiti zahtjev za poništenje e-aukcije, te dati preporuku Općinskom načelniku da donese Odluku o izboru najpovoljnijeg ponuđača PENNY PLUS d.o.o. Sarajevo, sa ponuđenom cijenom prije provođenja e-aukcije jer je ponuda ponuđača PENNY PLUS d.o.o. Sarajevo ocijenjena kao jedina prihvatljiva u postupku javne nabavke.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Redni br. na rang listi	Naziv/ime ponuđača	Ukupna ponuđena cijena sa PDV-om
1.	PENNY PLUS d.o.o. Sarajevo	44.774,73 KM

Komisija za javne nabavke roba, radova i usluga je jednoglasno predložila Općinskom načelniku da donese Odluku o izboru najpovoljnijeg ponuđača PENNY PLUS d.o.o. Sarajevo, čija ponuda je ocijenjena kao najpovoljnija, na osnovu kriterija „najniža cijena“, u ukupnom iznosu od 44.774,73 KM (slovima: četrdesetčetiri hiljadestamstotinasedamdesetčetiri i 73/100 konvertibilnih maraka) sa uračunatim PDV-om, te da se ponuđaču PENNY PLUS d.o.o. Sarajevo dodijeli ugovor.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisija za javne nabavke roba, radova i usluga. Naime, u postupku je ocijenjeno da je Komisija u svemu pravilno postupila, te da je Odluka donesena u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.


Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH broj: 08-02-2-8303-1/14 od 09.10.2014. godine.



DOSTAVITI:

1. AERO-EXCLUSIVE d.o.o. Sarajevo
2. DEFTER d.o.o. Sarajevo
3. PENNY PLUS d.o.o. Sarajevo
4. a/a

Općina Novo Sarajevo, ulica Zmaja od Bosne br. 55, centrala telefon (387 33) 492 100

Komisija za javne nabavke roba, radova i usluga

tel: (387 33) 492 286, fax: (387 33) 492 145, email: javne.nabavke@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.

